



Broj: 06-14-5425/16
Sarajevo, 24.02.2016.g.

Na osnovu Programa mjera za poticaj zapošljavanja boračke populacije u Kantonu Sarajevo za 2016. godinu, prihvaćenog Zaključkom Vlade Kantona Sarajevo broj:02-05-3630-6 od 11.02.2016.godine Ministarstvo za boračka pitanja Kantona Sarajevo, o b j a v l j u j e

JAVNI POZIV
za podizanje zasada maline i nabavku plastenika
koje će sufinancirati Ministarstvo za boračka pitanja Kantona Sarajevo

I PREDMET JAVNOG POZIVA

Programom realizacije poticajnih mjera zapošljavanja pripadnika braniteljske populacije Ministarstva za boračka pitanja Kantona Sarajevo broj:02-05-3630-6 od 11.02.2016.godine planirano je davanje poticaja braniteljskoj populaciji za implementaciju projekta podizanja zasada maline i nabavku plastenika na području Kantona Sarajevo.

Cilj ovog projekta je da se dugoročno riješi pitanje egzistencije kao i uspješnije potpuno uključivanje u društvo određenog broja pripadnika braniteljske populacije i članova njihovih obitelji, te da se poboljša ukupna socio – ekonomska slika lokalnih zajednica, te omogućiti zapošljavanje.

Predmet ovog Javnog poziva je provođenje mjera samozapošljavanja :

- 1) kroz projekat podizanja zasada malina,
- 2) kroz nabavku plastenika za boračku populaciju koja ispunjava uvjete za plasteničku proizvodnju.

- *Podizanja zasada malina*

Sadnja će se obaviti u jesenjem sadnom roku, certificiranim sadnicama maline sorti Villamet ili Miker, odnosno druge sorte sa sortne liste BiH .

Ministarstvo za boračka pitanja Kantona Sarajevo (u daljem tekstu: Ministarstvo), sufinancira projekat u skladu sa Programom utroška sredstava Ministarstva, a prema ukupnom broju pripadnika braniteljske populacije na teritoriji grada / općine i broja opravdanih zahtjeva. Sredstava će se plasirati za nabavku sadnica u iznosu od cca 1300,00KM po dulumu, odnosno maksimalno 3.600,00 KM po korisniku.

Iz ovih sredstava korisnik uvodi na zemljište sustav navodnjavanja.

Minimalna zasadena površina pod malinama iznosi 2000 m².

Korisnik sam snosi troškove analize zemljišta u momentu kada dobije obavijest da ispunjava sve uvjete po ovom javnom pozivu i da se nalazi na listi kandidata kojim je ova pomoć odobrena. Takođe sam snosi troškove nabavke žice, kolaca i pripreme zemljišta za sadnju.

- Nabavku plastenika

Ministarstvo finansira nabavku plastenika širine 5m i visine 2,5m. Predviđena sredstva za finansiranje ove mjere su cca 1700 KM po jednom plasteniku ili tunelu za zasade kornišona, a odobravalu bi se podnosiocima zahtjeva kod kojih se na terenu utvrdi da posjeduju adekvatne preduslove za plasteničku proizvodnju.

Ministarstvo nadzire i koordinira implementaciju ovog projekta.

II PRAVO UČEŠĆA I UVJETI

1. Ratni vojni invalidi
2. Demobilizirani branitelji i učesnici rata u skladu sa definicijom iz člana 2. Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07 i 9/10)
3. Djeca šehida, umrlih, nestalih i poginulih branitelja do 35 godina života, djeca umrlih RVI i djeca umrlih nositelja najvećih ratnih priznanja, do navršenih 30 godina života.
4. Djeca umrlih demobiliziranih branitelja koja su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života
5. Supruge šehida, umrlih, nestalih i poginulih branitelja.

Poticaj može biti dodijeljen samo jednom kandidatu iz jednog obiteljskog domaćinstva

III OPĆI KRITERIJ ZA IZBOR KORISNIKA I POTREBNI DOKUMENTI

R.b.	Opći kriteriji	Potrebni dokumenti
1.	Pripadnost braniteljskoj populaciji	-Rješenje o osobnoj ili obiteljskoj invalidnini, -Uvjerenje o provedenom vremenu u Oružanim snagama
2.	Podnositelj prijave je osoba koja mora imati prijavljeno prebivalište-boravište na Kantonu Sarajevo a najkasnije do 06.02.1999.godine i dalje neprekidno.	-Potvrda o prebivalištu izdata od CIPS-a (original ili ovjerena fotokopija); -Uvjerenje o kretanju izdata od MUP-a -Kopija osobne iskaznice, -Ovjerena izjava o zajedničkom domaćinstvu (kućna lista)
3.	Nije korišten poticaj kod prethodnog zapošljavanja	-Izjava potpisana od strane podnositelja i ovjerena od strane općinskog organa
4.	Ukupni prihodi domaćinstva ne prelaze iznos prosječne plaće u FBiH za 2015.g (830,00 KM)	-Uvjerenje ili drugi dokaz o primanjima za svakog punoljetnog člana domaćinstva sa kućne liste. -Za nezaposlene potvrda sa Biro-a za zapošljavanje, odnosno kopija zdravstvene knjižice za osobe koje nisu na evidenciji
5.	Podnositelj mora nesmetano raspolagati sa minimalno 2,000 m ² zemljišta na kojem će se uzgajati maline. Ova površina podrazumijeva i nekoliko manjih površina koje zajedno čine minimalno 2,000 m ² odnosno za plastenik ili plastenički tunel minimalno 1000m ² .	-Kao dokazni materijal će poslužiti posjedovni list i neka od formi ugovora (ugovor o kupoprodaji, ZK izvadak, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju). a) ako je riječ o ugovoru o zakupu ili korištenju isti mora biti zaključen na najmanje 12 godina, b) ako je zemljište u zajedničkom domaćinstvu, u sklopu obitelji posjednik daje izjavu o ustupanju zemljišta na najmanje 12 godina.

6.	Zemljište mora imati pristup stalnom izvoru vode za navodnjavanje (česma, bunar, čatrnja, potok i sl.) ili mora postojati mogućnost navodnjavanja	Stručna Komisija će izlaskom na teren utvrditi da li postoji pristup stalnom izvoru vode, odnosno postoji li mogućnost navodnjavanja
7.	U jesenjoj sadnji će zasaditi certificirane sadnice maline sorti Villamet ili Miker, odnosno druge sorte sa sorte liste BiH, odnosno da će do kraja budžetske godine staviti u funkciju dodijeljeni plastenik	Izjava podnosioca zahtjeva ovjerena kod općinskog organa.
8.	Podnositelj mora biti upisan u Registar poljoprivrednih gazdinstava ili biti član zadruge.	Potvrda nadležne općinske /gradske službe prema mjestu prebivališta da je podnositelj upisan u Registar poljoprivrednih gazdinstava ili spisak zadrugara ovjeren od nadležnog organa
9.	Financijsko učešće korisnika u projektu	Izjava podnosioca zahtjeva ovjerena kod općinskog organa da sudjeluju u nabavci žice, kolaca, analize zemljišta i pripremi zemljišta za sadnju, potpisana od strane podnosioca izjave i ovjerena od strane općinskog organa

IV DODATNI KRITERIJ ZA IZBOR KORISNIKA I POTREBNI DOKUMENTI

R.b.	Dodatni kriterij	Bodovi
1.	Vrijeme provedeno u Oružanim snagama u periodu 06.04.1992.g do 23.12.1995.g Za organizatore otpora za svaki mjesec učešća od 18. 09. 1991.g do 05. 04. 1992.g.	Svaki mjesec =1 bod Svaki mjesec =2 bod
2.	Invaliditet	Svaki 10% =2 boda, (npr. RVI 30%=6 boda)
3.	a) Djeca poginulih branitelja do 35.g života, te djeca umrlih RVI i djeca umrlih nositelja najvećih ratnih priznanja do navršenih 30 godina života b) Djeca umrlih demobiliziranih branitelja koja su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života c) Supruge šehida, umrlih, nestalih i poginulih branitelja	44 bodova
4.	Broj članova domaćinstva	Za svakog člana 3 boda
5.	Prihodi domaćinstva	Domaćinstva bez prihoda = 30 bodova Prihod do 200,00KM = 20 bodova Prihod od 200 do 415,00 KM = 10 bodova Prihod od 415,00 do 830.00KM = 5 bodova

Opći kriteriji su eliminatorni, dok će se dodatni kriteriji bodovati. Na osnovu osvojenih bodova sačinjen će se rang lista. Kada prijavljeni kandidati pri bodovanju imaju isti broj bodova prednost će imati onaj kandidat koji ima mogućnosti za proširenje zasada (dodatno zemljište).

V PROCES ODABIRA

Proces odabira će vršiti Stručni tim za izradu Programa zapošljavanja boračke populacije u Kantonu Sarajevo dok Ministarstvo donosi konačnu odluku o dodjeli o dodjeli sredstava poticaja.

Proces odabira će se odvijati u dvije faze.

1. Prva faza: Administrativna usklađenost prijave

Komisija za odabir, vršit će pregled prijave i provjeru da li je dostavljena sva dokumentacija koja je Javnim pozivom tražena.

Nepotpune prijave se neće uzimati u razmatranje.

2. Druga faza: Terenski uvidaj i procjena parcele podnositelja

Komisija će procijeniti točnost informacija navedenih u zahtjevu za poticaj. Uzorci zemljišta uzetih sa parcela podnositelja koji zadovoljavaju opće i dodatne kriterije biti će podvrgnuti pedološkoj analizi zemljišta kod nadležne institucije, a troškove analize će snositi podnositelj.

Ukoliko parcela nije pogodna za uzgoj maline, prijava se neće dalje uzeti u razmatranje.

3. Konačni odabir

Svi podnositelji koji uspješno prođu drugu fazu će se rangirati, a rang lista će biti objavljena na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: 033/562-273.

Nezadovoljni kandidati mogu istaći svoj prigovor Ministru u roku od 8 dana od dana prijema obavijesti da im srdstva nisu odobrena, a prigovor mora biti obrazložen i utemeljen na dokazima.

Ministarstvo na osnovu konačne odluke zaključuju ugovore o podizanju zasada malina i dodijeli plastenika sa krajnjim korisnicima.

Svi podnositelji zahtjeva kojima budu odobreni poticaji u svrhu podizanja novih zasada malina i plastenika, a nezaposlena su lica sa evidencije službe za zapošljavanje po isteku perioda od 36 mjeseci od dana dobijenog poticaja brišu se sa evidencije nezaposlenih osoba.

VI MJESTO PODNOŠENJA ZAHTJEVA

Za priznavanje i ostvarivanje navedenih oblika prava, zahtjevi na posebno propisanom obrascu za svaki oblik ostvarivanja prava (šalter sala Kantona Sarajevo) sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo putem pošte ili ličnim podnošenjem u šalter sali Kantona Sarajevo a najkasnije 17.03.2016.godine.

Informacije vezano za predmet Javnog poziva i propisani obrasci, mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon dir. 033/562-273 ili Centrala 033/562-000 lokal 2273, takođe mogu se preuzeti i sa web stranice ministarstva (www.mbp.ks.gov.ba).

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.
- Vrijednosti odobrenih sredstava na ovom Javnom pozivu nisu fiksne, iste zavise od procedure Javnih nabavki.



web: <http://mbp.ks.gov.ba>
e-mail: mbp@mbp.ks.gov.ba

Tel: + 387 (0) 33 562-012, Fax: + 387 (0) 33 562-251

Sarajevo, Reisa Džemaludina Čauševića 1

